



Broj: 08-01-03/2-11-2-2458-28/24

Dana: 22.10.2024. godine

Na osnovu člana 20. stav (2) tačka n) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20, 10/21 i 08/23), člana 72. stav (3) tačka a) Zakona o javnim nabavkama ("Službeni glasnik BiH", broj: 39/14, 59/22 i 50/24), ministar Ministarstva unutrašnjih poslova Zeničko-dobojskog kantona, d o n o s i:

O D L U K U

o izboru drugorangiranog ponuđača "COSPEX" d.o.o. Zenica za "LOT 1: Nabavka radova za krečenje kancelarija MUP Zenica, Sektor za podršku"

Član 1.

Dodjeljuje se prijedlog ugovora drugorangiranom ponuđaču "COSPEX" d.o.o. Zenica, u postupku javne nabavke za "LOT 1: Nabavka radova za krečenje kancelarija MUP Zenica, Sektor za podršku", sa ponudom broj: 08-01-03/2-11-2-2458-6/24 od 02.10.2024. godine i ponudenom cijenom u iznosu od 4.000,00 KM bez PDV-a, a u koju je uračunat popust ostvaren na e-Aukciji u iznosu 17,59%.

Član 2.

Poništava se u cjelosti Odluka ugovornog organa broj: 08-01-03/2-11-2-2458-12/24 od 09.10.2024. godine, u postupku javne nabavke "LOT 1: Nabavka radova za krečenje kancelarija MUP Zenica, Sektor za podršku" kojom je kao prvorangirani ponuđač odabran ponuđač "FORTES" d.o.o. Zenica.

Član 3.

Odabrani ponuđač dužan je u roku od 5 (pet) dana od dana zaprimanja ove Odluke, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Na osnovu Odluke o pokretanju postupka broj: 08-01-03/2-11-2-2458/24 od 05.09.2024. godine i Obavještenja o nabavci broj: 488-1-3-59-3-72/24 od 12.09.2024. godine, proveden je otvoreni postupak javne nabavke radova za krećenje kancelarija MUP Zenica, Sektor za podršku. Procijenjena vrijednost nabavke je iznosila 4.860,00 KM bez uključenog PDV-a. Sažetak obavještenja o nabavci broj: 488-1-3-59-3-72/24 objavljen je dana 20.09.2024. godine u "Službenom glasniku BiH", broj: 63. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-2458-2/24 od 13.09.2024. godine.

Komisija je sačinila Zapisnik o prijemu ponuda broj: 08-01-03/2-11-2-2458-9/24 od 03.10.2024. godine i Zapisnik sa otvaranja ponuda broj: 08-01-03/2-11-2-2458-10/24 od 03.10.2024. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da se do roka određenog za dostavljanje ponuda 3 (tri) ponuđača prijavilo na predmetno javno nadmetanje i to ponuđači: "DKM GRADNJA" d.o.o. Maglaj, "COSPEX" d.o.o. Zenica i "FORTES" d.o.o. Zenica.

Komisija je sačinila Zapisnik o pregledu i ocjeni ponuda broj: 08-01-03/2-11-2-2458-11/24 od 07.10.2024. godine, te utvrdila da ponude ponuđača: "DKM GRADNJA" d.o.o. Maglaj, "COSPEX" d.o.o. Zenica i "FORTES" d.o.o. Zenica, ispunjavaju sve zahtjeve ugovornog organa u formalno-pravnom, ekonomskom i tehničkom smislu, te da su iste za ugovorni organ prihvatljive.

U skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 80/23), dana 07.10.2024. godine sa početkom u 09:30 sati, započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	"DKM GRADNJA" d.o.o. Maglaj	4218267310009	4.854,30	3
2.	"COSPEX" d.o.o. Zenica	4218991860002	4.853,60	2
3.	"FORTES" d.o.o. Zenica	4219202740002	4.800,00	1

Aukcija je okončana dana 07.10.2024. godine u 09:52 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	"DKM GRADNJA" d.o.o. Maglaj	4218267310009	4.780,00	1,53%	3
2.	"COSPEX" d.o.o. Zenica	4218991860002	4.000,00	17,59%	2
3.	"FORTES" d.o.o. Zenica	4219202740002	3.980,00	17,08%	1

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM sa popustom (prije e-aukcije)	Konačna cijena ponude bez PDV-a u KM sa popustom (nakon e-aukcije)	Rang
"DKM GRADNJA" d.o.o. Maglaj	4.854,30	NE	4.854,30	4.780,00	3
"COSPEX" d.o.o. Zenica	4.853,60	NE	4.853,60	4.000,00	2
"FORTES" d.o.o. Zenica	4.800,00	NE	4.800,00	3.980,00	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom. Slijedom navedenog, "FORTES" d.o.o. Zenica, odabran je na osnovu ponuđene cijene u iznosu od 3.980,00 KM bez PDV-a.

Međutim, Komisija je utvrdila da je ponuđač "FORTES" d.o.o. Zenica u ostavljenom roku dana 15.10.2024. godine dostavio original ili ovjerenu kopiju dokumentacije prema Odluci o izboru najpovoljnijeg ponuđača za LOT 1 broj: 08-01-03/2-11-2-2458-12/24 od 09.10.2024. godine i to kako slijedi: uvjerenje Suda BiH broj: Su 03-9249/24 od 12.09.2024. godine, uvjerenje Općinskog suda u Zenici broj: 43 0 Su 250817 24 od 16.09.2024. godine, uvjerenje Općinskog suda u Zenici broj: 43 0 Su 250815 24 Su od 16.09.2024. godine, uvjerenje Kantonalnog poreznog ureda Zenica, Porezna ispostava Zenica broj: 13-4/1-12-5-5043/24 – B.D. od 16.09.2024. godine i uvjerenje Uprave za indirektno oporezivanje BiH, Regionalni centar Sarajevo broj: 02/6/II-16-11-20-11942/24 od 16.09.2024. godine.

Prema sadržaju dokumentacije koju je dostavio ponuđač "FORTES" d.o.o. Zenica ustanovljeno je da su uvjerenja Općinskog suda u Zenici, Kantonalnog poreznog ureda Zenica, Porezna ispostava Zenica i Uprave za indirektno oporezivanje BIH, Regionalni centar Sarajevo izdata sa naznakom da se ne mogu koristiti u druge svrhe osim onih za šta su izdata, a izdata su u svrhu učešća na javnom tenderu/pozivu Grada Zenica za MZ Lokvine-rekonstrukcija društvenog doma i ambulante.

Shodno tome je utvrđeno da navedeni ponuđač nije dostavio dokumenta na način tražen predmetnom odlukom o izboru najpovoljnijeg ponuđača za LOT 1.

Slijedom navedenog, ponuđač "COSPEX" d.o.o. Zenica, odabran je na osnovu ponuđene cijene u iznosu od 4.000,00 KM bez PDV-a, u koju je uračunat popust ostvaren na e-Aukcije u iznosu 17,59%.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

